

արհեստաւորքն, ի շուկայսն իւրեանց աղօթս ասացեալ  
 և աւրհնութիւն, և ապա գնացեալ ի ծովեզր ի տեղին  
 յայն՝ որ կոչի Պալազական, անդ սահման եղեալ, զի  
 անդ սկսեսցին երթալ յառաջ: Եւ յառաջ ել օրտու ա-  
 զասին և օրտու զազիսին զգեցեալք կապա յարքայէ:  
 ա. Նախ սուպաշին ճանապարհ հորդեալ անցանէր.  
 և գայր նախ սերմանացանն վարելով զլուծն, իբր ա-  
 ռաջին արհեստաւոր ասեն գոլ երկրագործ. ոչ գնեն  
 զայս ի թիւ արհեստաւորաց, բայց վասն նխնոց (?)  
 գնեն սկիզբն:

բ. Եւ յառաջ եղև երամակ ջահավառացն որ ասի  
 մաշալլաճի, և բարձեալ էին զջահս զամբարացն պա-  
 տեալ ներքոյ և արտաքոյ ծիրանօք՝ հեծեալք, ընդ  
 որ երթայինն պար առեալ խաղային յազգէն Արա-  
 բացոց մի ի վերայ միոյ եւ երգէին ըստ բառին իւ-  
 րեանց ունելով զՂուրանն. էլ էլ Շամ ախր Շամ. Ալ-  
 լահ եէնսուրու սուլթան. և ընդ իւրեանս (Գործ էրդուստ)՝  
 եղեալ ի վերայ ըզտոյ միոյ և վրան յօրինեալ ի վե-  
 րայ և մանուկ մի նստեալ ընթեռնոյր: Եւ ապա ընդ  
 նմա հացն և չորակքն, զոր Դ Դ արք բարձեալ էին  
 զմի ի նոցանէ և սիմիթ և այլ զանազան հացս սպի-  
 տակս և գերմակս եփեալ հացածախիցն, եղեալ ի վե-  
 րայ մեծամեծ սեղանոյ՝ եկեալ անցան, կացին առաջի  
 թագաւորին որ անդ նստեալ էր ի պալատն՝ ի գահոյսն  
 բազմեալ, որ ասի ըստ բառին իւրեանց Ալայ քեօշկի,  
 տեսանել զբանակս ամենեցուն, և եկեալ կացին յան-  
 դիման նմա ամենայն բանակ պետաց հացածախիցն  
 որք էին յազգէն Հայոց, հեծեալ ի վերայ ձիոց՝ դասս  
 դասս մանկամբք իւրեանց, որ ամենեքեան զբահուք  
 և զինուք էին և փողով մեծաւ և թմբկաւ և տաւ-  
 ղօք. և ասացին զաղօթս և աւրհնութիւն թագաւո-  
 րին և ետուն զընծայս նկանակացն և հացիցն. և թա-  
 գաւորն խիլայեաց զպետաց պետս նոցին, և եկեալ